



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 7 fulan-novembru tinan 2018

Konsellu Ministru reuni iha Palásiu Governu, iha Díli no hahú ho apresentasaun hosi Ministériu Finansas kona-ba Proposta final ba Lei Orsamentu Jerál Estadu tinan 2019 nian, ne'ebé membru Governu sira aprova.

Autoridade Nasionál Petróleu no mineral, liuhosi ninia Vise-Prezidente halo apresentasaun ida kona-ba Sociedade TL Cement, Lda. Sociedade ne'e harii hahú nuudar Sociedade liuhosi Kuotas ho responsabilidade limitada no kapitál privadu.

Tatur Ministra Finansas interina halo tiha apresentasaun badak ida kona-ba situasaun atuál ba Dívida Governu nian ba Timor Telekom, hahú hosi tinan 2015 to'o tinan 2017.

Governu aprova tiha proposta Dekretu-Lei kona-ba orgánika hosi Ministériu Justisa, hanesan departamentu governamentál responsável ba konsesaun, ezekusaun, kordenasaun no avaliasaun ba polítika, be define no aprova hosi Konsellu Ministru kona-ba área justisa, direitu no direitu umanu no ba terras no propiedades.

Governu aprova tiha mós proposta Dekretu-Lei kona-ba orgánika hosi Ministériu Finansas, hanesan entidade governamentál responsável ba konsesaun, ezekuasaun, kordenasaun no avaliasaun ba polítika, be define no aprova ona hosi Konsellu Ministru, ba área plneamentu no monitorizasaun anual ba orsamentu no finansas.

Governu aprova tiha mós proposta Dekretu-Lei kona-ba lei orgánika hosi Sekretaria Estadu ba Juventude no Desportu, hanesan departamentu governamentál ne'ebé koadjuva Ministériu Edukasaun, Juventude no Desportu, responsável ba konsesaun, ezekusaun,



Palácio do Governo,
Avenida Presidente Nicolau Lobato,
Díli, Timor-Leste



PREZIDÊNCIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

kordenasaun no avaliasaun polítika, be define no aprova ona hosi Konsellu Ministru, ba área juventude o desportu.

Governu aprova tiha mós proposta Dekretu-Lei kona-ba lei orgánika ba Sekretaria Estadu ba Formasaun Profisionál no Empregu, hanesan departamentu governamental ne'ebé koadjuva Ministru Kordenadór ba Asuntu Ekonómiku responsável ba konsesaun, ezekusaun, kordenasaun no avaliasaun ba polítika, be define no aprova ona hosi Konsellu Ministru ba área servisu, formasaun profisionál no empregu.

Ministru Reforma Lejizlativa no Asuntu Parlamentár apresenta tiha ba membru Konsellu Ministru sira opsaun sira ne'ebé define ona iha programa "Compact", ne'ebé nia objetivu prinsipál maka hamenus kiak iha Timor-Leste, liuhosi kresimentu ekonómiku iha âmbito projetu ida ne'ebé dezenvolve no finansia hosi Millennium Challenge Corporation (MCC) en kordenasaun ho Governu Repúblika Demokrátika Timor-Leste. Ho hanoin atu reforsa relasaun bilateral entre Governu Timor-Leste no Governu Estados Unidos Amérika, MCC dezenvolve to'o daudauk ne'e programa hotu hodi apoia Timor-Leste, hahú kedas tinan 2011.

Konsellu Ministru aprova tiha mós programa rua, ida kona-ba kombate ba rakitismu no ida seluk kona-ba dezenvolvimentu kapitál umanu. **REMATA**



Palácio do Governo,
Avenida Presidente Nicolau Lobato,
Dili, Timor-Leste